

光緒吉林通志

吉林通志卷六十八

職官志十一 裁缺表

裁缺官

巡察御史 雍正二年初設滿漢御史各一員七年裁漢御史嘉慶四年滿御史亦裁

滿御史

漢御史

雍正二年 趙柱 滿洲鑲藍旗人

趙殿最 浙江□□人

赫色 滿洲鑲藍旗人

王珏 □□□□人

三年 蘇赫 滿洲正黃旗人

方觀 □□□□人

四年 常德 滿洲鑲紅旗人

陳德 □□□□人

五年 馬賽 滿洲正白旗人

王聯晉 四川□□人

六年 那泰 滿洲鑲紅旗人

七年 雅爾虎達 滿洲正白旗人

八年 鄂昌 滿洲正黃旗人

九年 平圖 滿洲口藍旗人

十年 常祿 蒙古鑲白旗人

十一年 薩哈諒 滿洲鑲藍旗人

十二年 承祚 滿洲鑲藍旗人

乾隆元年 慧中 滿洲正黃旗人

二年 蘇昌 滿洲正藍旗人

三年 蘇赫臣 滿洲正藍旗人四年五年留任

馮長發 陝西口口人

漢御史缺是年奉裁

六年 官福 滿洲鎮紅旗人

七年 武柱 滿洲鎮黃旗人

八年 台柱 滿洲鎮藍旗人

十年 武柱 再任

十一年 塔坦 滿洲正紅旗人

十二年 官泰 滿洲鎮白旗人

十八年 傅森 滿洲正黃旗人

二十一年 伊祿順 滿洲正白旗人

二十四年 耀海 滿洲正白旗人

二十七年 甯泰 滿洲鎮白旗人

三十一年 宗室玉鼎柱 鑲藍旗人

三十三年 增祿 滿洲鑲藍旗人

三十六年 覺羅敦岱 鑲黃旗人

三十九年 永安 滿洲正紅旗人

四十四年 素卜東阿 蒙古鑲紅旗人

四十八年 宗室麟霄 正藍旗人

按滿御史缺嘉慶四年奉裁自是年至裁缺年分任人無考

理刑司 同治四年初設掌印滿郎中主纂漢員外郎幫纂漢主事光緒八年裁幫纂漢主事十二年掌印主纂缺亦裁

掌印滿郎中 主纂漢員外郎 幫纂漢主事

同治四年 明恕 旗分未詳刑部 祝禎 順天大興人四品銜刑部候補主王建本 山東淄川人刑部候補主

| 十年 | 九年 | 八年 | 七年 | 五年 |
|--------------|--------------------------------|-----------------------------|---------------------------------|------------------|
| | | 中 齡椿 滿洲鑲白旗人 知府銜刑部郎 | 中郎 | 覺羅常岱 滿洲正白旗人刑部 |
| 毛鎮撫 道銜刑部郎 | | | 楊士端 直隸臨榆人 王子副榜知 府銜刑部郎中 | 員外郎 |
| | 童德中 四川江北人 員外郎銜刑 部候補主事 | | 趙樸 山東德州人刑 部候補主事 | 事 |

補郎中

十二年

傑光

滿洲正藍旗人
刑部郎中

何友濟

員外郎銜刑部候補主事

光緒二年

富泰

道銜刑部郎中
旗人

查炳章

順天宛平人
四品銜刑部候補員外郎

三年

馮棧宗

四品銜刑部候補主事

五年

文凱

刑部郎中
旗人

陶家駒

江西南昌人
刑部郎補郎中

六年

英顯

刑部郎中
旗人

馬文耀

山西懷仁人
刑部主事是

缺八年奉裁

十年

啟勳

趙蓉鏡

甘肅平涼人

四品銜

刑部郎中

兼

府刑部郎中

是缺

是缺

十二年奉裁

是缺

是缺

十二年奉裁

是缺

是缺

| | | |
|--|--|--|
| | | |
| | | |
| | | |
| | | |
| | | |

吉林通志卷六十九

職官志十二 官績一

耶律倍

耶律安圖

耶律迪里

耶律伊濟

耶律蘇色

蕭恆德

耶律額布勒

蕭柳

耶律布庫

耶律哈爾吉

耶律浩善

耶律仙童

大康父

大公鼎

耶律特默

耶律適祿

蕭烏納遼以上

烏頁爾

來阿巴齊

達春

劉哈喇巴爾圖

努都爾噶

以上元

耶律倍小字托雲

原作圖欲

聰敏好學外寬內摯神冊元

年春立為皇太子

續通志

會西征留守京師

宏簡錄

因陳

取渤海計天顯元年從征拔扶餘城帝欲括戶口諫

曰今始得地而料民民必不安若乘破竹之勢徑造

輝罕

原作忽汗

城克之必矣太祖從之

續通志

命為前鋒夜

圍輝罕城大譴讓降

宏簡錄

尋復叛太祖破之改其國

曰東丹

遼史

城曰天福

宏簡錄

以倍為人皇王主之

遼史亦

有宮殿被十二旒冕服皆畫龍象契丹國志建元甘露稱

制置左右大次四相及百官遼史凡左右平章事大內

相以下百官皆自除授契丹國志歲貢布十五萬端馬千

匹諭之曰此地瀕海非可久居留汝撫治以見朕愛

民之心駕將還倍作歌以獻續通志陸辭太祖曰得汝

治東土吾復何憂號泣而別遂如儀坤州未幾太祖

訃至即日奔赴山陵宏簡錄耶律迪里建言帝位宜先

嫡長今東丹赴朝當立遼史十七諸部希后意共立德

光五代史記立後尙在皇都詔遣耶律伊濟遷東丹民以

實東平宏簡錄徙倍居之

耶律安圖

原作安端

字猥隱太祖五子

皇子表

天贊元年征

渤海破老相兵三萬餘人安邊鄭頡定理三府叛平

之

續通志

太祖崩母舒嚕遣安端之扶餘

按資治通鑑作守東丹

代托雲

原作突欲五代史

天祿初以功王東丹國賜號明王

遼史表

耶律迪里

原作烈

字裕勒沁

原作軫

遼史

裕悅赫嚕之弟

續通志

以謹愿寬恕大見器使太祖卽位入侍帷幄與

聞政事

宏簡錄

從伐渤海拔扶餘城留迪里與伊德實

原作寅底石

守之天顯二年留守南京

按續通志作東京

十年卒

年五十六弟伊濟

遼史

伊濟

原作羽之

小字烏里

原作兀里

字伊德森

原作寅底晒

幼豪爽

不羣長嗜學通諸部語太祖經營之初多預軍謀

遼史

天顯元年命爲東丹王中臺省右次相

宏簡錄

時人心

未安左大相特爾格

原作迭刺

不踰月薨伊濟蒞事勤恪

威信並行太宗卽位上表曰我大聖天皇始有東土

擇賢輔以撫斯民不以臣愚而任之國家利害敢不

以聞

遼史

渤海昔畏南朝阻險自衛居輝罕城今去上

京遼邈旣不爲用又不罷戍果欲何爲

宏簡錄

先帝因

彼離心乘釁而動故不戰而克天授人與彼一時也

遺種寢以蕃息今居遠境恐爲後患梁水之地乃其

故鄉地衍土沃有木鐵鹽魚之利乘其微弱徙還其
民萬世長策也彼得故鄉又獲木鐵鹽魚之饒必安
居樂業然後選徒以翼吾左突厥黨項室韋夾輔吾
右可以坐制南邦混一天下成聖祖未集之功貽後

世無疆之福表奏帝嘉納之是歲詔徙東丹國民於

梁水

按太祖本紀作東平梁水即郡之東梁河也

時稱其善

遼史

東丹王自

以失職越海奔唐

通鑑二百七十七

伊濟鎮撫國人一切如

故以功加守太傅遷中臺省左相會同初以冊禮赴

闕加特進

遼史

表奏左次相渤海大素賢貪墨不法事

詔僚佐部民舉有才德代之

宏簡錄

卒子和哩

原作和里終

東京留守

遼史

耶律蘇色

原作速撒

字阿敏性忠直簡毅練武事應歷初

為侍從累遷圖魯卜

原作突呂不

部節度使歷霸濟祥順

聖五州都總管俄為敦睦宮太師保衛三年改九部

都詳袞

遼史

凡臨戎陳與士卒同甘苦所獲均賜將校

賞順討逆威信大振在邊二十年卒

宏簡錄

蕭恆德字遜宵有膽略而善謀統和元年尙越國公

主拜駙馬都尉遷北面林牙從宣徽使耶律阿穆爾

原作阿沒里

征高麗還改北面林牙為東京留守

遼史

烏舍

烏哲圖渤海雅爾丕勒等侵鐵驪

宏簡錄

從都部署和

碩鼐原作和往討遼史駐於鐵驪秣馬數月和碩傳進至

城下哲圖請降有詔撫諭宏簡錄恆德利其俘獲不許

遼史下令急攻城中大恐哲圖率眾死守依埠現虛搆

戰柵誘軍登陴俄撤支柱登者盡覆宏簡錄和碩鼐議

欲引退恆德曰以彼倔強吾奉詔來討無功而還諸

部謂我何若深入多獲猶勝往返和碩鼐不得已進

擊東南諸部至高麗北鄙比還道遠糧絕士馬死傷

甚眾坐是削功臣號十四年為行軍都部署伐博囉

滿達勒原作蒲部還因事賜死遼史

耶律額布勒原作烏不呂遼史改烏爾古巴字留隱續通志嚴重有膂

力善屬文統和中從蕭恆德伐博囉滿達勒部以功

爲東路統軍都監

遼史

德讓薦其材可任統軍使必能

鎮撫諸番太后從之加金紫崇祿大夫檢校太尉

宏簡

錄

其後退歸田里以疾卒

遼史

蕭柳字圖們

原作徒門

幼養於伯父巴雅爾

原作排押

多知能

文膂力絕人統和中叔父恆德臨終薦其才詔入侍

衛

遼史

爲北女真詳袞政濟寬猛部民畏愛遷東路統

軍使秩滿百姓願留許之

續通志

從伐高麗遇大蛇當

路拔劍斬之師還致仕生平好滑稽雖君臣燕飲談

諧無所忌時故比之俳優

宏簡錄

臨終謂人曰吾少有

致君志不能直遂故以諧進冀萬有一補頃之被寢

衣而坐呼曰吾去矣言訖而逝

遼史

耶律布庫

原作蒲古

字提隱太祖弟蘇四世孫

續通志

以武

勇稱統和初為涿州刺史從伐高麗有功

遼史

太平二

年城鴨綠江命守之在鎮有治績

宏簡錄

五年改廣德

軍節度使尋遷東京統軍使蒞政嚴肅諸部懾服九

年大延琳叛

遼史

國號興遼建元天慶令其太師大延

定引東北女真相攻

東國通鑑

以書結渤海人夏行美行

美時總渤海軍於保州

宏簡錄

執其人送布庫布庫入

據保州

續通志

斷其軍路黃龍保州皆不附惟南北女

真從之

宏簡錄

延琳氣沮以功拜特哩袞

原作楊篋

耶律哈爾吉

原作合里只

字特們

原作特滿

六院額爾奇木巴

古濟

原作蒲古之

之後重熙中累遷西南面招討都監清

甯初起爲懷化軍節度使七年入爲北院大王

按本紀咸

雍七年哈爾吉自東北封幽國公厯遼興軍節度使

路詳袞入爲南院大王東北路詳袞加兼侍中致仕卒

遼史

爲人明達勤恪懷

柔有道置諸賓館及西邊營田皆自發之

宏簡錄

耶律浩善

原作侯晒

字托紐

原作禿甯遼史

黃皮室詳袞和克

子初爲西南巡邊官以廉潔稱

宏簡錄

重熙十一年徙

東京留守

遼史

十三年與知黃龍府蕭烏魯斯將兵討

博囉滿達勒部有功加兼侍中致仕卒

宏簡錄

耶律仙童仲父房之後重熙初爲宿直官累遷特哩

袞

原作楊隱

都監以寬厚稱

遼史本傳

重熙六年伊呀濟國人

星哈等訴酋帥渾徹貪污罷五國酋帥設節度使以

領之

部族志

富珠哩

原作滿奴里

叛命爲五國節度使率師

討之

宏簡錄

擒其帥托多羅

原作陶得里本傳

十八年以降烏

爾古叛人授左監門衛上將軍

本紀

改彰國軍節度使

拜北院大王清寧二年知黃龍府事厯忠順武定二

軍節度使致仕封蔣國公咸雍初徙封許國卒

遼史

大康又渤海人開泰間累官南府宰相出知黃龍府

善綬撫東都懷服額爾德尼

原作榆里底乃

部長布延

原作伯陰

與伊勒必

原作榆烈比

來附送於朝且言博囉滿達勒

原作

蒲盧毛朵

界多渤海人乞取之詔從其請康父領兵至大

石河圖卜準

原作馳準

城掠數百戶以歸未幾卒

史

大公鼎渤海人幼莊愿長而好學咸雍十年登進士

第累遷興國軍節度副使徙長春州錢帛都提點車

駕如春水貴主例爲假貸

遼史

公鼎拒之頗聞怨詈語

不顧曰豈可輟官用徇人情此吾之職也不敢廢也

安簡錄

耶律特默

原作特麼

季父房之後重熙閒爲北剋累遷六

部圖哩原作秃里太尉大安四年為倒塌嶺節度使頃之

為禁軍都監是冬討磨古斯斬首二千餘級十年復

討之既捷授南院宣徽使壽隆元年為北院大王四

年知黃龍府事薨遼史

耶律適祿按續通志作達魯字薩蘭原作撒懶清宵初為本班郎

君稍遷宿直官遼史乾統中從伐準布原作阻布有功加奉

宸厯護衛太保改安義宮副使時上京梟賊趙鍾格

原作鍾哥跋扈續通志適祿擒之加泰州觀察使為達魯噶

原作魯覲部節度使天慶中知興中府為盜所殺遼史

蕭烏納一名托卜嘉原作撻不也字達敏原作特免六院部人

續通 魁偉簡重善騎射壽隆元年拜北府宰相遼興

軍節度使加守太傅降宵邊州刺史尋改臨海軍節

度使兀納上書曰自蕭哈里

原作海里

亡入女直彼有輕

朝廷之心宜益兵以備不虞不報天慶元年知黃龍

府事改東北路統軍使復上書曰

遼史

臣治與女直接

境觀其所爲志不在小宜先其未發舉兵圖之

宏簡錄

章數上皆不聽及金兵來侵戰於宵江州其孫伊德

濟

原作移敵蹇

死之兀納退走入城留官屬守禦自以三

百騎渡混同江而西城遂陷

遼史

天祚外雖以先朝重

臣有定策勛每延問政事終不能用以疾卒年七十

宏簡錄

烏頁爾沙卜珠氏

續通志四
百四十八

狀貌甚偉腰大十圍太

宗卽位命與薩里台和爾齊征遼東下之

元史一百二十一

卯又與薩里台征高麗下受開龍宣泰葭等十餘城

高麗懼請和烏頁爾曰若能以子爲質當休兵

續通志

辛丑遣其族子縛從烏頁爾來朝帝大悅厚加賜予

俾充北京東京廣寧蓋州平州泰州開元府七路征

行兵馬都元帥佩虎符

元史

憲宗初召問東夷事對曰

臣雖老藉威靈指麾三軍敵國猶可克况東夷小醜

乎帝壯其言俄病歸

續通志

來阿巴齊齊寧夏人

續通志四百六十八

至元十八年授益都等

路宣慰使都元帥二十一年調同僉宣徽院事遼左

不靖降虎符授征東招討使阿巴齊招徠降附期以

自新遠近帖然子吉遜

原作寄僧

爲碩達勒達屯田總管

府達嚕噶齊納延叛戰於高麗雙城調萬安軍達嚕

噶齊

元史一百二十九

達春

原作塔出

蒙古扎拉爾氏東京路總管府達嚕噶齊

至元十八年召見賜鈔六十錠旌其廉勤升開元等

路宣慰使

元史一百三十三

累遷東京等路行中書省右丞

改授遼東道宣慰使達春探知納延謀叛馳驛上聞

有旨命與皇子阿雅噶齊同力備禦

續通志四女直百七十三

碩達勒達官民與納延連結達春遂棄妻子與麾下

十二騎直抵建州距咸平千五百里與納延黨岱遜

巴圖爾等合戰兩中流矢

元史

繼知其黨欲襲皇子阿

雅噶齊遂扈從皇子渡遼水納延軍來襲達春轉鬪

而前射其酋特古斯台墮馬而死追兵乃退遂軍懿

州州人羅拜泣曰非宣慰公吾屬無遺種矣

續通志追

納延餘黨北至金山戰捷帝嘉其功召賜黃金珠璣

錦衣弓矢鞍勒二十八年賜明珠虎符充蒙古軍萬

戶是歲復領軍討哈坦於女直還攻建州逐阿哈投

江死元史明年哈坦涉海南襲高麗達春復進兵討之

入朝拜遼陽等處行中書省平章政事卒於位續通志

子達蘭特穆爾原作答蘭帖木兒中奉大夫遼陽參知政事

元史

劉哈喇巴圖爾河東人家世業醫以功授和林等處

宣慰副使至元二十七年遷河東山西道宣慰使續通志

四百八十三居二年召還帝諭之曰自此而北納延故地

曰阿巴拉呼者產魚吾今立城而以額斯琿哈努森

奇爾濟蘇三部人居之名其城曰肇州元史一百六十九汝

往爲宣慰使仍別賜汝名曰小龍兒或曰哈喇巴圖

爾汝可自擇

元史類編二十八

對曰龍非臣下所敢承帝曰

然則哈喇巴圖爾可也復賜以繡衣玉帶

元史類編既至

定市里安居民一日得魚九尾皆千斤遣使來獻俄

召還

元史

及世祖崩太傅伯顏奉太后命曰東方汝嘗

鎮之今以屬汝勿俟制命

元史類編

授咸平宣慰使元貞

元年拜御史中丞行至懿州卒

續通志

努都爾噶

原作鈕的該

廣平王博爾濟

原作博爾朮

四世孫也

元史類編

早歲備宿衛累遷同知樞密院事既而廢處於

家順帝至元五年

元史一百三十九

奉使宣撫碩達勒達

按元

史作達勒達宏簡錄作水達達今從之

整理有司不公不法事三十餘

條^{元史}朝廷由是知其才擢知嶺北行樞密院事^{元史}
類編

吉林通志卷七十

職官志十三 宦蹟二

博第

鄂彌達

新柱

卓鼐

恆祿

薩喇善

傅良

福康安

慶桂

琳甯

恆秀

寶琳

富俊

賽沖阿

喜明

松筠

博啟圖

覺羅寶興

寶昌

博第姓完顏氏隸滿洲正藍旗雍正二年由怡親王
允祥王府長史擢鑲白旗漢軍副都統五年累調正
白旗滿洲副都統疏言旗人襲職出缺後所送家譜
本旗無可覈對恐有錯誤請嗣後凡世職家譜豫取
保結校對鈐印存交本旗衙門

從之歷擢正白旗蒙古都統十三年授甯古塔將軍乾隆元
年調奉天將軍三年調黑龍江將軍疏請將黑龍江
貿易民人分旗查管初至詢明居址令互結註冊貿

易畢趣回病故者除名凡娶旗女買旗屋及散處城外村莊者禁之如犯法將該管官查議其非貿易者量給限期飭令回籍如所請行蓋當時東三省於滿漢畛域其嚴如此八年調吉林將軍卽甯古塔將軍移住吉林者明年調西安將軍十四年

召來京復授正白旗蒙古都統十七年以年老命在散秩大臣上行走二十六年卒

鄂彌達姓鄂濟氏隸滿洲正白旗雍正六年由吏部郎中授貴州布政使尋擢廣東巡撫疏言烏槍嚮有嚴禁但廣東瓊州孤懸海外民資防禦未便如內地

收繳請戶許藏一多者罪之如所請行署廣東總督
卽眞兼管粵海關稅移疏言總督嚮住肇慶所以控
制兩粵今廣西已歸雲貴總督轄而廣東一省廣州
爲適中之地請移駐廣州

從之乾隆二年疏言貴州新闢苗疆督臣張廣泗奏設屯軍
墾逆苗絕田臣以見今苗稀畏威安貼將來生齒漸
繁地少人多必致怨生又恐屯兵虐苗致激事變請
將屯軍撤於附近防守其田仍給苗民

詔所奏識見甚正卽朕意亦然但張廣泗持之甚力兼以首
尾承辦此事不得不如彼所請朕以爲終非長策也五年

命來京授兵部侍郎明年出爲甯古塔將軍尋調荊州將軍
署湖廣總督十一年

命來京歷工部刑部尙書署吏部尙書兼議政大臣署直隸
總督二十一年授協辦大學士兼管吏部尙書協辦
步軍統領刑名事務加太子太保充

經筵講官二十六年卒

賜祭葬諡文恭

新柱姓富察氏隸滿洲鑲黃旗康熙四十六年襲其
祖羅多理騎都尉世職尋補藍翎侍衛乾隆六年游
擢鑲白旗滿洲副都統八年授福州將軍十二年疏

言福州福甯二府紳士呈請開墾上下草塘各島意不在山而在海海利之大者如曰水海島左右水深處可採捕魚鮮曰網地水淺處張網以待潮涌魚至潮落取之曰魚碯就山腳曬石開墾成園潮來魚入潮去魚留曰紫菜磧乃山腳燒取紫菜地嚮無專主沿海貧民分收其利而輸魚課與使紳矜富戶壟斷不若仍公諸貧民俾資衣食

高宗是之十四年署湖廣總督調吉林將軍明年仍調福州署兩廣總督尋回任二十四年以親喪回旗明年

命爲葉爾羌辦事大臣疏陳巴達克山與博洛爾部接壤以

戮相劫掠前遣伯克薩里等往巴達克山論索所掠
齊特喇爾戶口什物索勒坦沙卽遵撤其弟沙卜多
爾噶達爾而遣所屬伯克等交還戶口什物得

旨所辦得宜予議敘尋同京授理藩院尙書數遷

盛京將軍三十三年卒官

賜祭葬諡勤肅

卓爾姓泰楚魯氏隸滿洲正藍旗雍正七年襲父介
石男爵及一等輕車都尉授西安左翼副都統調甯
夏右翼副都統明年隨甯遠大將軍岳鍾琪征準噶
爾九年擢甯夏將軍十二年坐兵事褫乾隆四年起

正白旗滿洲副都統十五年累擢歸化城都統明年授吉林將軍兼署打牲烏拉總管十七年調浙江杭州將軍坐事降乍浦副都統調杭州副都統二十一年以疾乞休二十六年卒

恆祿隸鑲藍旗宗室簡儀親王猶子乾隆二十五年由輔國公授吉林將軍以廉潔著俸餉外一無所染嘗危坐小閣中取每年出入之籍手錄封之或以問曰俟籍沒時出爲證也由是人皆畏法會產蕩甚盛無敢私者歲增銷數千票兵餉資以接濟當路索貂珣數事直無所出售奉天舊產償之三十四年調奉

天將軍去他未詳

薩喇善隸正白旗宗室也乾隆十四年由頭等侍衛
累遷成都副都統十九年充駐藏辦事大臣二十二
年擢吉林將軍尋疏陳摺獲偷買人蔘之陳中元等
十三名獲人蔘三千二百餘兩並狐皮馬匹銀兩二
十四年吉林城中旗民草房燬七百餘間積蓄並盡
疏請借給倉穀且豫借給官兵半年俸餉爲葺屋資
高宗以被災較重所借銀兩穀石並

賞給之尋疏吉林三姓地方與甯古塔拉林相距俱五百餘
里嚮無臺站請由拉林沿松花江迤北至三姓地方

設八臺臺設筆帖式領催各一如所請行明年疏言
拉林阿勒楚喀地方所駐滿洲日多居民日密商販
牲畜不期而集請照甯古塔伯都訥之例設立稅局
充本處俸餉二三年後再定稅額

從之秋疏陳副都統巴岱查視挖遼人夫每船人米浮多令
其添票恃眾不遵毆傷領催巴善旋糾赴副都統衙
門羣閔巴岱未及清查各船人數遂給與腰牌令往
臣復派副都統增海率兵稽查

詔羣閔之時能將爲首者擒戮餘眾自懾服旣不能迅辦反
給與腰牌殊屬怯懦不堪可卽予正法薩喇善身爲將軍

理宜親往查辦乃僅遣增海亦屬不知輕重發往伊犁效力贖罪薩喇善子

乾清門侍衛恆賓請代行

高宗斥其沽名釣譽

命禔侍衛隨行既而伊犁將軍明瑞以薩喇善效力三年期滿

聞

詔薩喇善罪遣日逗留不前應少留待三十年恆賓戰烏什

陳沒

高宗閱之

命薩喇善回京尋以副都統銜充庫爾喀喇烏蘇辦事大臣
復坐謫伊犁三十六年

賞侍衛銜三十八年卒

詔以料理策伯克多爾濟游牧功贈副都統銜

賜祭葬

傅良姓富察氏隸滿洲鑲黃旗大學士馬齊子乾隆
十四年襲一等伯爵兼一雲騎尉授散秩大臣尋加
伯號曰敦惠二十五年累授伯都訥副都統明年以
伯都訥旗民雜處命盜要犯縶分四門堆房看守易
致脫逃咨吉林將軍恆祿疏請設立監獄擇驍騎校

之勤慎者管理

從之二十八年調吉林副都統擢歸化城都統尋以缺裁
命仍留吉林副都統任未幾授鑲藍旗漢軍副都統三十三
年擢綏遠城將軍明年調吉林將軍三十五年疏言
拏獲偷挖私濫各犯請分別正法發遣其挖濫公費
請令前任賠補刑部以應正法者既未取據供詞應
發遣者又未將姓氏開列議駁

命將人犯解京交刑部訊辦尋

詔傅良奏挖濫所需公費應用與否未分析聲敘概請以前
任賠補其拏獲偷挖私濫一案亦經刑部議駁殊屬不曉

事體著來京尋累授甯夏將軍調西安將軍兼領侍衛內
大臣四十二年卒官

賜祭葬諡恭勤

福康安姓富察氏隸滿洲鑲黃旗大學士一等忠勇
公傅恆子乾隆三十七年以領隊大臣赴金川軍有
功封嘉勇男四十九年平甘肅石峰堡逆回晉爵嘉
勇侯五十二年林爽文叛臺灣督師渡海獲之晉爵
一等嘉勇公

賜紅寶石帽頂四圍龍補服又

賜黃腰帶紫韁金黃瓣珊瑚珠用示優異其他

恩數頻繁不可殫述五十六年廓爾喀擾後藏往征焉廓爾喀降授大學士加一等輕車都尉令其子德麟襲五十八年加公封號曰嘉勇忠銳六十年貴州逆苗石柳鄧等叛督師剿之

賞三眼花翎晉封貝子爵銜制如宗室貝子子子德麟副都統銜在

御前侍衛上行走追封其父傅恆貝子嘉慶元年卒於軍晉封郡王銜入祀昭忠賢良祠從其父傅恆配饗

太廟謚文襄

賜祭葬如故事金川石峰堡臺灣後藏之役或從阿桂或偕

海蘭察最後苗疆功幾成而卒則威望愈崇重矣圖形

紫光閣者三贊皆

高宗御製其任吉林將軍蓋乾隆四十二年五十九年又奉命至吉林勛將軍恆秀治漢務不如制云

慶桂姓章佳氏隸滿洲鑲黃旗大學士尹繼善子乾隆二十年以廩生授戶部員外郎充軍機章京累遷理藩院右侍郎授滿洲正白旗副都統軍機處學習行走四十年出爲塔爾巴哈臺參贊大臣夏哈薩克巴布克自稱經阿布勒畢斯將伊授爲圖爾屯鄂什

聞

克之阿克拉克齊偕阿布勒畢斯之子博晉以馬來獻慶桂以巴布克未與博晉同來不可深信飭駁以詔巴布克爲人狡詐若不飭駁伊歸必又謊告阿布勒畢斯其他所辦各就條理朕又得一能事大臣矣尋授吏部右侍郎轉左山爲烏里雅蘇臺將軍遷正黃旗漢軍都統四十八年由

盛京將軍調吉林將軍疏陳獲私挖漫犯一百餘名

高宗以封廠停採原期護養蔓苗今私挖之犯多至百餘名有封閉之名而無其實

詔慶桂飭所屬嚴拏私挖之犯仍放票開採續陳獲犯六百餘名獲二百兩明年調福州將軍入

覲擢工部尙書仍直軍機充經筵講官歷署黑龍江將軍甘肅總督復授塔爾巴哈臺參贊大臣遷兵部尙書署

盛京將軍五十三年再署吉林將軍明年調署烏里雅蘇臺將軍授刑部尙書協辦大學士領侍衛內大臣予騎都尉世職加太子大傅銜嘉慶十九年以文淵閣大學士休致二十一年卒

賜祭葬諡文恪

琳甯隸鑲藍旗宗室也乾隆三十二年由宗人府七品筆帖式遷宗人府經歷四十九年累擢禮科給事中明年署正藍旗滿洲副都統尋授山海關副都統五十三年遷黑龍江將軍明年調吉林將軍五十六年調

盛京將軍偕副都統靈泰等疏言奉天流寓閩人多於沿海駕駛漁船捕魚生理其中良莠不齊恐有不肖之徒駕船入洋勾引盜匪已遵

旨將流寓閩人編立甲社但沿海漁船有無篷桅及長寬大小嚮無定式嗣後請漁船有篷桅者長不得過三丈

二尺寬不得過八尺腰艙不得蓋用蒙板亦不許用
雙桅卽單桅不得踰所限丈尺如此定以規式卽不
能遠駛入洋有不遵定式者照違制例治罪

從之嘉慶四年

召來京授散秩大臣署正白旗漢軍都統歷遷工部禮部吏
部尙書七年授協辦大學士加太子少保銜坐事罷
旋起禮部尙書兼管樂部太常寺鴻臚寺事以年老
乞休

允之十年卒

賜祭葬諡勤僖

恆秀隸正白旗宗室也乾隆四十三年由頭等待衛加副都統銜爲西藏辦事大臣四十七年累擢黑龍江將軍五十四年調吉林將軍尋奉

命查辦甯古塔副都統安臨以年老乘輜爲名私行坐轎及開設賭場以賤價向商人買漢各款鞠實請將安臨發往伊犁效力贖罪

從之疏言吉林所屬驛站官助教各二員六年任滿升轉倉官六員三年任滿升轉運道不均請照黑龍江倉站等官之例俱改爲四年限滿升轉如所請行調西安將軍復調吉林將軍調烏里雅蘇臺將軍以生母老

命仍同吉林將軍任疏言上年直隸歲歉聽流民出關求食至吉林地方者以萬數均獲生全今年內地有秋飭令同籍咸以甫經全活移同轉恐失業此雖實在情形但人數眾多恐不肖雜處生事請照例造入紅冊歲交丁銀嗣有願回籍者註明開除

允之五十九年副都統秀林疏參吉林協領諾穆三托蒙阿因辦邊挪缺庫項派鋪戶釀銀彌補坐視嘉慶四年起三等侍衛作爲副都統往烏什辦事卒

寶琳姪伊爾根覺羅氏隸滿洲正黃旗乾隆三十年由固山額駙累遷冠軍使以副將發貴州補清江協

副將三十八年從征金川以功

賞戴花翎擢肅州鎮總兵調泰甯天津兩鎮總兵署山海關副都統五十年擢浙江杭州將軍疏參杭州駐防協領咨參佐領以下各官降革勒休並註銷記名者四十餘員

高宗慮其有意苛求

命閩浙總督長齡浙江巡撫吉慶確查密奏尋疏覆將軍寶琳御眾嚴明操防勤慎密訪其所參各官輿情亦稱平允並言杭州乍浦滿營婚嫁論財相沿成俗往往有髫年許字因男家無力納采婚嫁失時而該管章

京狃於積習並不設法催辦自寶琳到任後查明各旗婚姻已訂因索財而不能迎娶者數百家均勒限官爲完配其孤寡及惇獨無依者查明月給養贍

高宗嘉之五十九年調吉林將軍卒官

賜祭葬諡勤恪

富俊姓卓特氏隸蒙古正黃旗由繙譯進士授禮部主事嘉慶八年以署兵部右侍郎出爲吉林將軍尋調

盛京將軍歷

盛京工部侍郎兼管奉天府府尹事及六邊邊門事務

授黑龍江將軍十九年調吉林將軍疏言拉林西北
雙城子所在地土沃行應行開墾移駐京旗

仁宗命具試墾章程以進尋疏先於吉林等處閒散旗人內
揀選屯丁千名每丁給銀二十兩籽種穀二石於拉
林東南夾信溝地方設立三屯每丁撥給荒地三十
晌响六畝墾種二十晌留荒十晌種三年後晌酌交
糧貯倉十年後移駐京旗蘇拉時將熟地分給京旗
人十五晌荒五晌所餘熟地五晌荒五晌卽給原種
屯丁免其交糧作爲恆產一切農具耕牛分別採買
於明春試墾如所議行二十二年調

盛京將軍明年復調吉林將軍疏陳吉林站丁典賣與民地萬三千五百六十三晌請

賜額設站丁八百五十名每名十五晌九畝零作爲隨缺工食如所請行二十五年疏言雙城堡左右二屯屯丁到齊比屋環居安土樂業又條中左右三屯未盡章程一每屯宜添井一眼以裕食用屯丁戶婚錢債爭鬪事由各佐領呈報協領訊辦人命盜案報解阿勒楚喀副都統驗訊轉咨將軍覈辦一雙城堡協領處添設無品級筆帖式二員委官二員三屯佐領處添設無品級筆帖式委官各一員以資差委稽查一總

屯達二十四人約束屯丁請給金頂並月給工食銀
一兩一領催兵丁應得賞銀糧由將軍衙門給發未
免稽遲請准由管理三屯協領處支存就近給領
從之且

獎其實心任事加一級道光元年疏陳吉林屯田移駐京旗
閒散章程又疏於吉林三山子三道溝等處開採煤
窯並如所議行明年授理藩院尙書四年復授吉林
將軍疏請每旗屯適中之地建設義學並嚴禁該屯
丁冬令過江採樵

從之又條上雙城堡移駐京旗章程一京旗閒散有願往雙

城堡者著各旗於十月報齊戶部具奏十一月知照
順天府尹直隸總督

盛京吉林將軍正月初十以前定期啟行地方官計程
籌備一移駐京旗大都無力覓工請將戶部應發銀
兩俟抵吉林後由將軍衙門備用銀兩項下發給作
爲僱工之用俾盡地力其荒地五晌亦可隨時開種
一彈壓大臣改派年班仍令地方官隨同護視給與
車輶分段遞送一每年應修住房百所於本年冬閒
備料以省運費

宣宗嘉納焉冬疏言吉林伯都訥開墾屯田奉

旨俟雙城堡有效再議今雙城堡三屯辦理完竣移駐京旗
視爲樂土伯都訥園場計二十餘萬晌荒蕪旣久地
甚肥饒開種易而經費亦省視雙城堡事半功倍自
應及時籌辦如所議行明年疏言吉林我
朝發祥之地俗厚風醇八旗臣僕皆當以

國語騎射爲重騎射而外當教以清漢文藝使知義方
請頒發書籍清文條例以擴見聞

從之初部議雙城堡移駐京旗閒散隻身予房間牛種器具
半分不爲戶

命體察以聞疏言隻身閒散至屯種地無人炊爨及守局並

恐舉目無親隨意游蕩且每戶應得房間等物半分不能適用應將隻身者不必拘有妻室但有父母子女或伯叔兄弟等二三口均准爲戶照定章給予全分如所議行尋

諭以籌辦屯墾不避嫌怨盡心宣力著有成效加太子太保銜疏陳拉林嚮未設防禦及筆帖式辦公之員請於甯古塔防禦十二員內移撥拉林四員其關防辦事無品級筆帖式二員卽於拉林領催甲兵內揀選添設又疏雙城堡移駐京旗每一旗五屯請再添總副屯達各六名以資稽查並

從之尋疏吉林六副都統年班進京例應每年二員遇將軍年班副都統則一員長途往返耽延時日署缺之員未免意存推諉請以本年爲始如值將軍年班副都統卽無庸進京如值副都統年班亦祇須輪替一員來京以重職守如所請行七年授協辦大學士命來京供職於是四任吉林將軍垂十三年矣京旗日有人滿之患又無以資其生吉林雖非上腴而地廣人稀維草之宅屯田於此且以實邊萬世之計也

仁宗

宣宗嘉富俊之績加級加銜謂旣引其緒滿漢皆吾赤子推

廣之以繼於

嗣世豈有涯哉而吉林稱賢將軍前有富俊後有銘安銘安任光緒時攘羣盜設有司綱目燼具父老皆曰微斯人則吉林已不可知隸旗籍者以一視而不能左右其間訖之去顧其功不可沒也富俊卒東閣大學士年八十有六贈太子太傅

賜祭葬諡文誠入祀賢良祠寶心傳者嘗官知縣坐事黜來客於富俊雙城堡屯田多所規畫疏復其官視夫壤善者抑異矣

賽沖阿姓赫舍里氏隸滿洲正黃旗乾隆五十二年

用前鋒參領從平靈灣林爽文以功

賜號斐靈阿巴圖魯列三十功臣中圖形

紫光閣

命詞臣爲贊五十九年累擢吉林副都統嘉慶二年調三姓副都統率吉林兵從征三省教匪數以功被

優獎及

賜物甚夥五年擢固原提督參贊德榜奏疏言吉林索倫馬隊在官兵中最爲得力賽沖阿管帶已越三年該提督深得兵心人皆用命昨聞授提督無不同聲歡舞及聞將他徙紛紛至臣處環跪祈留但固原提督未

便久留川省一俟川省肅清臣或與賽沖阿同往或先令赴陝屆時權其緩急

從之明年授西安將軍七年

詔賽沖阿自隨征以來在諸將中勇略尤著晉世職輕車都尉十年調廣州將軍尋以洋盜蔡牽竄入臺灣句結匪徒

命爲欽差大臣前往督辦十四年累調吉林將軍十六年年班入

覲疏言途次見逃荒民人詢係奉天所屬岫巖復州等處歉收之戶因札致吉林副都統松霖將災民暫行安

撫請於雜項動支銀兩設粥廠賑之曾松箴疏報奉
天饑民入境見飭各員驅逐

詔斥之令如賽沖阿所奏辦理明年

詔八旗生齒日繁吉林地廣人稀所有閒曠地計可分贍移
駐旗人若干戶妥議具奏尋疏拉林西北有閒荒一處可
墾五千餘晌又東北夾信溝一處可墾二萬餘晌該
兩處距阿勒楚喀城四五十里不等恐新駐旗人副
都統難以約束且近年吉林各處所穫不豐請俟三
五年從容辦理又疏三道卡薩里閒荒地畝請撥補
吉林官莊壯丁除撥給外其餘閒荒不許旗民侵占

每年秋收後令該管官親往查勘以杜私墾

詔拉林附近既有可墾地二萬五千餘晌而三道卡薩里仍有閒荒可墾是該省曠地甚多不必延至三五年後可檢查乾隆年間移駐舊案先期試墾應辦各事宜卽行籌議十八年調成都將軍陝西南山逆匪擾及川境督兵勦之以功晉二等男爵

賞戴雙眼花翎二十一年廓爾喀與披楞搆兵

命爲欽差大臣率兵赴藏明年歷授正白旗漢軍都統領侍衛內大臣累遷內大臣總諳達卒贈太子太師

命皇長子前往賜奠諡曰襄勤

喜明姓佟佳氏隸滿洲正藍旗乾隆五十二年以侍衛從征臺灣有功嘉慶元年揀發四川都司從征三省教匪以功

賞戴花翎

賜號勝珙台巴圖魯三省平累遷江南徐州鎮總兵十五年擢雲南提督調直隸古北口提督十八年授吉林將軍疏請添設伊通河巡檢一員以資彈壓

從之尋調赴河南勦教匪李文成既克滑縣

仁宗以所總吉林兵奮勇可嘉交部議敘明年坐事降西甯鎮總兵尋授駐藏大臣二十年廓爾喀王與披楞搏

兵求賞助銀兩遵

旨嚴駁

詔嘉之二十二年累官烏里雅蘇臺將軍明年卒

賜祭葬諡勤毅

松筠姓瑪拉特氏隸蒙古正藍旗乾隆三十七年用
繙譯生員考補理藩院筆帖式四十九年累遷正紅
旗滿洲副都統

命赴吉林查辦邊務明年赴庫倫查辦俄羅斯事務有馬逸
入俄羅斯卡座其人獲而獻還因傳示各卡嗣後有
俄羅斯馬誤入官卡者亦如之事

聞

嘉其得體數擢至戶部尙書出爲陝甘總督時三省教匪未

靖

命密具統兵諸將優劣以

聞疏惟額勒登保英勇出羣其次德楞泰後卒成功此二人
力也嘉慶五年調伊犁將軍先是乾隆二十九年

詔伊犁田土肥潤將軍明瑞等查明地畝分給滿洲官兵以
資養贍尋查明可耕之地甚多請俟滿兵到齊辦理其後
數

詔籌辦任將軍者類以溉灌乏水爲詞八年疏言臣自接任

後探明近水可耕之田由惠遠惠甯兩城酌派閒散
試種通計所穫十分有餘本年秋麥又種千餘石亟
宜廣行汲引因於惠遠城東伊犁河北岸新開大渠
迤邐數十里又於城西北草湖中覓得泉源設法開
渠修築隄岸疏引支流其地卽分給惠遠城八旗耕
種至惠甯城八旗所耕本係裁撤綠營屯地原有渠
泉足資灌溉惟種地必資牛力請於官廠內借給惠
遠城每旗牛八十隻惠甯城每旗四十隻庶邊地駐
防兵農並習得

旨嘉允又疏伊犁塔爾奇地方嚮設水磨派兵碾運麥麵以

給兵食而官兵皆願領麥易麪請撤其兵分屯耕種
從之冬疏陳伊犁屯種有效惠遠城得地八萬畝惠甯城得
地四萬畝請照伊犁錫伯營八旗屯種之例按名給
地各令自耕自食永爲世業軍機大臣議此項田畝
只可令閒散餘丁代爲耕種官兵不當親身力作有
妨操練

仁宗命妥與經理務使兵農不至偏廢十三年疏言惠甯城
東時有水泉蕩漾房屋多圯請展築城垣移建教場
並於城東挑一大渠引灌田畝又塔爾巴哈臺東北
夏閒應設卡倫查濟默爾色克卡倫地處山陰不生

柴草請移設於博洛呼濟爾又板廠溝安設塔布圖
小卡於稽查哈薩克出入最爲有益又疏請塔爾巴
哈臺地方撥兵加屯撥提督所屬中左右三營兵二
百前往農隙操演守備千總外委各一員管轄又請
禁達木達爾圖金廠於通山路徑安設卡倫派兵防
守令塔爾巴哈臺庫爾喀喇烏蘇兩處領隊大臣每
年按季巡查均

從之而阿奇木霍什納扎特以惠遠城旗屯公田與關里沁回
田均籍東山關里沁泉水灌溉請開渠引霍什河水
澆灌關里沁回田以關里沁泉水專灌惠遠城旗屯

公田覈如所請旣而得水豐餘兩有裨益焉尋復授
陝甘總督調兩江兼署江南河道總督旋調兩廣授
協辦大學士仍留兩廣俄

命來京授吏部尙書初

仁宗以八旗生齒日繁不敷養贍數

詔吉林將軍等於吉林等處籌度閒散地畝酌量移居十七
年

命往盛京敬謹會勘

永陵工程並籌辦移駐宗室房地各事宜明年授東閣大學
士中間數蹟數起道光三年授吉林將軍明年疏陳

漫務疲累情形請復舊規辦理並請屯田小綏芬等處以供創夫糧食

詔以繁費且恐別滋事端寢之調署烏里雅蘇臺將軍冬伊犁將軍慶祥疏稱俄羅斯在哈薩克游牧地方蓋屋種地請

敕下理藩院檄詢

宣宗詢之松筠疏言哈薩克素稱強悍或曾侵占俄羅斯地今從索還不能不予而以無據之詞懇將軍奏明亦未可知若理藩院行文查問俄羅斯直以索還侵占爲言轉難辦理從前哈薩克襲封汗爵俄羅斯卽有

哈薩克早經投順彼國之語又乾隆三十五年土爾
扈特明背俄羅斯前來投順後俄羅斯行文索討

高宗純皇帝諭旨斥駁今以無關緊要之事行文令其遵奉
儼彼以土爾扈特爲言或以哈薩克投順彼國爲詞
徒生枝節有失體制况哈薩克非

國家用兵平定者緣乾隆二十二年平定伊犁之後哈
薩克貢馬入

覲因封汗爵藉以羈縻其或向俄羅斯投順亦應置之不
問且哈薩克游牧地方與俄羅斯毗連之處理藩院
並無圖志今當曉諭哈薩克以

天朝定例外藩之地無圖志者例不辦理

宣宗詔慶祥如指而

嘉松筠熟悉邊情

仁宗亦嘗稱其熟悉新疆情形所纂新疆識略十二卷

賜序刊行故於西事備著之後又數踵數起十四年

命以都統銜致仕明年卒年八十有二贈太子太保銜

賜祭葬諡文清入祀伊犁名宦祠

博啟圖姓富察氏隸滿洲鑲黃旗嘉慶二年由五品

廕生襲一等誠嘉毅勇公爵授頭等侍衛歷遷戶部

左侍郎兼正黃旗蒙古都統出爲察哈爾都統道光

七年調吉林將軍明年疏言雙城堡公倉應糶歸款穀石請照時價出糶又請添設圍場卡倫增設弁兵嚴定章程以防奸民潛入偷濫斫木並

從之冬疏陳吉林各站內過往馳驛各項差務請給廩糧詔以來京首站新定之例一體給與廩糧以歸畫一尋以甯古塔水災疏請蠲振

允之九年

命籌辦雙城堡屯田事宜時雙城堡移駐京旗願往者少以霜早氣寒歲惟一熟又乏幫助耕耘之人因疏言擬減原定京旗戶數酌爲添給地畝始可漸形充裕至

京旗閒散未習農事請准其買僕代耕又原定京旗住房寬闊難居請戶改草房三間周圍加塗草土禦寒均在中屯建蓋准於黃泥河左近伐木取材較爲近便

從之累官領侍衛內大臣工部尙書管理行營事十四年卒於海淀加太子太保銜

賜祭葬諡敬僖

覺羅寶興隸鑲黃旗嘉慶十年進士改翰林院庶吉士散館授編修十八年累遷詹事府少詹事入直

上書房時

仁宗幸木蘭同次白澗逆匪林清令其黨潛突禁城

宣宗方於上書房讀書寶輿下直將出東華門見賊勢鴟張
官兵力遏之卽入

乾清門告警賊眾因得卽時殲獲擢內閣學士兼禮部
侍郎銜中間數躓數起道光十一年由鑲白旗漢軍
都統改左翼總兵授吉林將軍疏言東三省地方被
災歉收請將新收舊欠分別展緩又疏吉林各項差
務嚮無辦公之款請以稅銀漫餘項下發商生息銀
六千兩半備移駐京旗之賞半津貼吉林差務並

從之明年遵籌吉林所屬閒山打捕牲畜地界章程言吉林

打捕進貢牲畜圍場並松花江西岸輝發河北岸舊
係封禁毋庸另議其餘閒曠山場均設有卡倫仍循
定例攜槍出卡打捕牲畜者不必查禁如有攜帶民
人不領照票偷挖人蔕私斫木植者查拏治罪如所
議行秋疏陳新城局屯田地畝連年鑿井無水不能
開墾佃戶無力賠累將此項荒田二萬餘晌暫作禁
荒責成伯都訥副都統出示招募有無認墾之民年
終彙咨報

閏十三年調

盛京將軍瀕行疏言伯都訥界珠爾山所在荒地先後

開墾五千二百六十二晌此項租錢請自道光十五年爲始以其半每年分賞兵丁半存備該城報修工程免銷正款此外尙有可墾荒地五萬六千餘晌作爲官荒將來吉林如有籌款之需奏請招佃徵租又烏喇凉水泉地界開墾七萬三千九百餘晌請自二道河以東撥出二萬晌以七成給烏喇總管衙門三成給協領衙門招佃收租以資津貼其餘五萬三千餘晌亦作官荒將來吉林如有所需再行奏明辦理並

從之十五年調成都將軍累授四川總督

文淵閣大學士加太保銜卒官年七十有二

賜祭葬諡文莊

保昌姓費莫氏隸滿洲正藍旗由官學生考取筆帖式道光元年累遷內閣侍讀學士

賞頭等侍衛充駐藏幫辦大臣歷擢吏部右侍郎出爲熱河都統十三年授吉林將軍疏言吉林土子赴奉天應試較遠紳士捐建考棚請令學臣案臨

詔寢其議十五年調黑龍江將軍復授吉林將軍尋調烏里雅蘇臺將軍三十年累官至兵部尙書卒贈太子太傅銜

賜祭葬諡敬僖

